

中國東方文化研究會歷史文化分會策劃
四庫全書存目叢書補編纂委員會編纂
北京愛如生文化交流責任有限公司贊刻

四庫全書存目叢書補編

齊魯書社出版

中國東方文化研究會歷史文化分會策劃
四庫全書存目叢書補編編纂委員會編纂
北京愛如生文化交流責任有限公司贊刻

齊魯書社出版

四庫全書存目叢書補編

第八七冊

補編第八十七冊目次

唐音統籤一千三十三卷(七)

〔明〕胡震亨撰
北京故宮博物院藏清康熙刻本配鈔本

.....一

唐音統籤一千三十三卷

(七)

〔明〕胡震亨撰

北京故宮博物院藏清康熙刻本配鈔本

戊籤餘三十四李中之四 唐音統籤卷七百八

七言律詩一

江邊吟

風暖汀洲吟興生
遠山如畫雨新晴
殘陽影裏水東注
芳草煙中人獨行
閃閃酒帘招醉客
深深綠樹隱啼鶯
盤桓漁舍忘歸去
雲靜高空月又明

海上從事秋日書懷

悠悠旅宦役塵埃
舊業那堪信未迴
千里夢隨殘月斷
一聲蟬送早秋來
壺傾濁酒終難醉
匣鎖青萍久不開
唯有搜吟遣懷抱
北京風時復上高臺

唐音統籤

卷七百八十二

戊

晚春客次偶吟

舊別征輪野店間
悠悠時節又春殘
落花風急宿醒解
芳草雨昏春夢寒
慙逐利名頭易白
欲眠雲水志猶難
却憐村寺僧相引
閒上虛樓共倚欄

下蔡春偶作

旅館飄飄類斷蓬
悠悠心緒有誰同
一宵風雨花飛後
萬里鄉關夢自通
多難不堪容鬢改
沃愁惟怕酒杯空
採蘭扇枕何時遂
洗慮焚香叩上穹

下蔡春暮旅懷

柳過春霖絮亂飛
旅中懷抱獨栖栖
月生淮上雲

初散家在江南夢去迷髮白每慙清鑑啓心孤長
怯了規啼拜恩章 爲養慈親急願向明朝捧紫
泥

思湓渚舊居

昔歲曾居湓水頭草堂吟嘯興何幽迎僧常踏竹
間蘚愛月獨登溪上樓寒翠入簷嵐岫曉冷聲繁
枕野泉秋從居官路無由到昨夜分明夢去遊

思九江舊居三首

給事曾在碧江隈多病貧身養拙來雨歇汀洲垂
釣去月當門巷訪僧迴靜臨牕下開琴匣悶向牀

唐音統籤

卷七百八十二

戊

頭濺酒醅遊宦等閒千里隔空餘規夢到漁臺
門前煙水似瀟湘放曠優游興味長虛閣靜眠聽
遠浪扁舟聞上泛殘陽鶴翹碧蘚庭除冷竹引清
風枕簟涼犬吠疎籬明月上鄰翁攜酒到茅堂
無機終日狎沙鷗得意高吟景且幽檻底江流偏
稱月簷前山朶最宜秋遙村處處吹橫笛曲岸家
家繫小舟別後再遊心未遂設屏惟畫白蘋洲

秋日登潤州城樓

虛樓望極封疆積雨晴來野景長水接海門潮
遠色相連京口發天香鳴蟬歷歷空相續歸鳥

翻自蒼行吟罷倚欄深有思清風暫戩到斜陽

登毗陵青山樓

高樓閒上對晴空豁目開襟半日中千里吳山青
不斷一盞遶海浸無窮人生歡笑開花霧世界興
亡落葉風吟罷倚欄何限意回頭城郭暮煙籠

宿臨江驛

候館寥寥輟棹過酒醒無奈旅愁何兩昏郊郭行
人少葦暗汀洲宿馬多千祿已悲彫髮鬢結茅終
愧負烟蘿篇章早晚逢知己苦志忘形自有魔

甲子歲罷吉水縣過鍾陵時暮春維舟江渚

唐音統籤

卷七百八十二

戊

湯榮太尉席上作

公侯延駐暫踟躕况值風光三月初亂落杯盤花
片小靜麗池閣柳陰疎舟維南浦程雖阻飲傾西
園興有餘却笑田家門下客當時容易歎車魚

吉水春暮訪蔡文慶處士舊題

無事無憂費任蒼濁醪閒酌送韶光冥濛雨過池
塘暖狼藉花飛硯席香好古未嘗疎典冊懸圖時
要看瀟湘戀君清話難畱處歸路迢迢又夕陽

維舟秋浦逢故人張鉅同泊

卸帆清夜碧江濱冉冉涼風動白蘋波上正吟新

霽月岸頭恰見故鄉人共驚寒後霜侵鬢五說年來疾逼身且飲一壺銷百恨會須遭遇識通津

書郭判官幽齋壁

不妨公退尚清虛初得山齋興有餘要引好風清戶牖旋栽新竹滿庭除傾壺待客花開後煮茗留僧月上初更有野情堪愛處石牀苔蘚似匡廬

留題胡參卿秀才幽居

竹蔭庭除鮮色濃道心安逸寂寥中扣門時有栖禪客灑一作灑酒多招採藥翁江近好聽菱芡雨徑

香偏愛蕙蘭風我慙名宦猶拘束脫屣心情未得

唐音統籤卷七百八十二

戊

同

春晚過明氏閒居

寥寥陋巷獨烏門自樂清虛不厭貧數局碁中消永日一罇酒裏逆殘春雨催綠蘚鋪三徑風送飛花入四鄰羨爾朗吟無外事滄洲何必去垂綸

江次維舟登古寺

輟棹因過古梵宮荒涼門徑鎖苔茸綠陰滿地前朝樹清韻含風後殿鐘童子縱傭眠壞榻老僧號話指諸峯吟餘却返來時路迴首盤桓尚駐節

題廬山東寺遠大師影堂

遠公遺跡在東林往事名存動苦吟杉檜已依靈塔老煙霞空鎖影堂深入簾輕吹催香印落石幽泉雜磬音十八賢人消息斷蓮池千載月沉沉

遊北山洞神宮

悶見塵中光景促仙鄉來禮紫陽君人居淡寂應難老道在虛無不可聞松檜穩栖三島鶴樓臺閒鎖九霄雲羨師為此朝星斗一炷清香午夜焚

經古觀有感

古觀寥寥枕碧溪偶思前事立殘暉漆園化蝶名空在柱史猶龍去不歸丹井泉枯苔鎖合醺壇松

唐音統籤卷七百八十二

五

戊

折鶴來稀回頭因歎浮生事夢裏光陰疾若飛

宿廬山白雲峯重道者院

絕頂松堂喜暫遊一宵玄論接浮丘雲開碧落星河近月出滄溟世界秋塵裏年光何急急夢中強弱自悠悠他時青劍酬恩了願逐鸞車看十洲

獻張義方常侍

雄飛看是逼嵩廊逸思常聞不暫忘公署靜眠思水石古屏閒展看瀟湘老來酒病雖然減秋杪詩魔更是狂乘興有時招羽客橫琴移月啓茅堂

獻中書湯舍人

慶雲呈瑞爲明時演暢絲綸在紫微
鑾殿對時親
舜日鯉庭過處著萊衣
閒尋竹寺聽啼鳥吟倚江
樓懸落暉
照座銀屏看是設一門清貴古今稀

獻張拾遺

官資清貴近丹墀
性格孤高世所稀
金殿日聞親
鳳展古屏時展看漁磯
酒醒虛閣秋簾捲吟對疎
篁夕鳥歸
獻替頻陳忠譽播鵬霄萬里展雄飛

投所知

孤琴塵翳劒慵磨
自顧泥蟠欲奈何
千里交親消
息斷一庭風雨夢魂多
題橋未展相如志
叩角誰

唐音統義

卷七百八十二

六

戊

憐寧戚歌唯賴明公憐
道在敢攜簞笠釣煙波

海上和郎戡員外赴倅職

宋玉逢秋何起悲
新恩委寄好開眉
班昇鸞鷺頻
經歲任佐龔黃必暫時
乍對煙霞吟海嶠應思蒨
葦夢江湄一朝鳳詔重徵入
鵬化邪教尺鷃知

新喻縣酬王仲華少府見貽

事簡閒樽有逸情
共忻官舍月華清
每慙花欠河
陽景長愧琴無單父聲
未泰黎元慚曠職縱行謙
直是虛名與君盡力行
公道敢向昌朝侯陟明

海上和柴軍使清明書事

清明時節好煙光
英傑高吟興味長
捧日卽應還
禁衛當春何惜醉
胸陽千山過雨難藏翠
百卉臨風不藉香
却是旅人恹屑甚
夜來魂夢到家鄉

和胸陽載筆魯裕見寄

燕臺多事每開顏
相許論文淡薄間
飲興共憐芳
草岸吟情同愛夕
陽山露濃小逕登聲咽
月吟空庭竹影閒
何事此時琴憶甚
與君俱是別鄉關

和夏侯秀才春日見寄

綿蠻黃鳥不堪聽
觸目離愁怕酒醒
雲散碧山當
晚檻雨催青蘚匝
春庭尋芳懶向桃花塢
垂釣空

唐音統義

卷七百八十二

七

戊

思杜若汀畫夢不成吟
有興揮毫書在枕邊屏

晉陵罷任寓居依韻和陳銳秀才見寄

掩門三逕莓苔綠
車馬誰來陋巷間
臥棄琴書公
幹病笑迎風月步兵
閒當秋每謝蒼清耳漸老
多慙酒借頗清物未能伸
一術敢於明代愛青山

吉水縣依韻酬華松秀才見寄

官况蕭條在水村
吏歸無事好論文
枕欹獨聽殘
春雨夢去空尋五老雲
竹逕每憐和藪步禽聲偏
愛隔花聞詩情冷淡知
音少獨喜江皋得見君

贈海上書記張濟員外

鵬霄休歎志難伸，貧病雖縈道且存。阮瑀不能專
筆硯，嵇康唯要樂琴樽。春風滿院空欹枕，芳草侵
階獨閉門。劔有塵埃書有蠹，昔年心事共誰論。

贈廬山孫明府

縣庭無事似山齋，滿砌青青旋長苔。閒撫素琴曹
吏散，自烹新茗海僧來。買將病鶴勞心養，移得閒
花用意栽。幾度訪君留我醉，薌香皆值酒新開。

贈永真杜少府

藍袍竹簡佐琴堂，縣僻人稀覺日長。愛靜不嫌官
况冷，苦吟從聽鬢毛蒼。閒尋野寺聽秋水，寄睡僧

唐音統籤

卷七百八十二

八

戊

聽到夕陽暮，翫會應霄漢。去蕪竿休更懸，倉浪

贈夏秀才

軒車紫陌競尋春，獨掩衡門病起身。步月怕傷三
徑蘚，取琴因拂一牀塵。明時儻有丹枝分，青鑑從
他素髮新。况是青雲知己在，原思生計莫憂貧。

贈蒯亮處士

著得新書義更幽，負琴何處不遨遊。玄宮寄宿月
華冷，羽客作吟松韻秋。滿戶煙霞思紫閣，一帆風
雨憶滄州。吾君側席求賢切，未可懸瓢枕碧流。

贈史虛白

致主嘉謀尚未伸，慨然深志與誰論。喚迴古意琴

開匣，陶出真情酒滿樽。明月過溪吟釣艇，落花堆
蔕睡僧軒。九重夢卜時終在，莫向深雲獨閉門。

贈上都先業大師

懶向人前著紫衣，虛堂閒倚一條蓑。雖承雨露居
龍闕，終憶煙霞夢虎溪。睡起曉聽風浙浙，病來深
院草萋萋。有時乘興尋師去，煮茗同吟到日西。

贈謙明上人

雖寄上都眠竹寺，逸情終憶白雲端。閒登鍾阜林

泉晚，夢去沃洲風雨寒。新試茶經煎有興，舊嬰詩

唐音統籤

卷七百八十二

九

戊

病拾終難常，閒秋夕多無寐。月在高臺獨凭欄，

贈鍾尊師遊茅山

筇杖擔琴背俗塵，路尋茅嶺有誰羣。仙翁物外應
相遇，靈藥壺中必許分。香入肌膚花洞酒，冷侵魂
夢石牀雲。伊予亦有朝修志，異日遨遊願見君。

贈重安寂道者

寒松肌骨鶴心情，混沌俗陶陶隱姓名。白髮只聞悲
短景，紅塵誰解信長生。壺中日月存心近，島外煙
霞入夢清。每許相親應計分，琴餘常見話蓬瀛。

貽廬山清溪觀王尊師

霞披星冠復杖藜積年修鍊住靈溪松軒睡覺吟
雲起石磴坐來春日西採藥每尋巖迤遠彈琴常
到月輪低鼎中龍虎功成後海上三山去不迷

贈王道士者

已俗從教鬢似銀世人無分得相親槎流海上波
濤潤酒滿壺中天地春功就不看丹竈火性閒時
拂玉琴塵仙家變化誰能測只恐洪崖是此身

唐音統義

卷七百八十一

戊

卷終

戊籤餘三十四李中之五 唐音統義卷七

七言律詩二

暮春有感寄宋維員外

杜宇聲中老病心此心無計駐光陰西園雨過好
花盡南陌人稀芳草深喧夢却嫌鶯語老伴吟惟
怕月輪沉明年才候東風至結駟期君預去尋

安福縣秋吟寄陳銳秘書

縣庭事簡得餘功詩興秋來不可窮臥聽寒蛩莎
砌月行衝落葉水村風愁髭漸去人前白醉面猶
憐鑑裏紅苦恨交親多契濶未知良會幾時同

唐音統義

卷七百八十三

戊

秋江夜泊寄劉鈞正字

閒憶詩人思倍勞維舟清夜泥風騷魚龍不動澄
江遠雲霧皆收皎月高潮滿釣舟迷浦嶼霜繁野
樹叫猿猿此時吟苦君知否雙鬢從他有二毛

王中歲承命之任淦陽再過廬山國學感舊

寄劉鈞明府

三十年前共苦辛囊螢曾寄此煙岑讀書燈暗嫌
雲重搜句石平憐鮮深各歷官途悲聚散幾看時
輩或浮沉再來物景還依舊風冷松高猿狖吟

懷廬岳舊遊寄劉鈞感鑒上人

昔年廬岳閒遊日乘興因尋物外僧寄宿愛聽松
葉雨論詩惟對竹牕燈各杓片祿尋分別高謝浮
名竟未能一念支公安可見影堂何處暮雲凝

秋江夜泊寄劉鈞

萬里江山敬暮煙旅情當此獨悠然沙汀月冷帆
初卸葦岸風多人未眠已聽漁翁歌別浦更堪遶
鴈過遙天與君共俟酬身了結侶波中寄釣船

對雨寄荆山林番明府

竟日如絲不暫停莎堦閒聽滴秋聲斜飄虛閣琴
書潤冷逼幽牕夢寐清開戶只添搜句味看山還

唐音統載

卷七百八十三

二

戊

阻上樓情遙知公退琴堂靜坐對蕭騷飲興生

秋夜吟寄左偃

與君詩興素來狂况入清秋夜景長溪閣共誰看
好月莎堦應獨聽寒蠶卷中新句誠堪喜身外浮
名不足忙會約垂名繼前哲任他玄髮盡如霜

海上春夕旅懷寄左偃

柳過清明絮亂飛感時懷舊思悽悽月生樓閣雲
初散家在汀洲夢去迷髮白每慙清鑑啓酒醒長
怯子規啼北山高臥風騷客安得同吟復杖藜

寄左偃

蕭條陋巷綠苔侵何事君心似我心貧戶懶聞
愛靜病身纔起便思吟閒留好鳥庭柯密暗養鳴
蛩砌草深况是清朝重文物無愁當路少知音

懷舊夜吟寄趙杞

長笛聲中海月飛桃花零落滿庭輝魂銷事去無
尋處酒醒孤吟不寐時萱草豈能忘積恨尺書誰
與達相思悠悠方寸何因解明日江樓望渺瀰

暮春吟懷寄姚端先輩

無奈詩魔旦夕生更堪芳草滿長汀故人還爽花

前約新月又生江上亭莊夢斷時燈欲盡蜀魂啼

唐音統載

卷七百八十三

三

戊

處酒初醒何時得見登龍客隔却千山萬仞青

暮春懷故人

池館寂寥三月盡落花重疊蓋蒼苔惜春春戀不
忍掃感物心情無計開夢斷美人沉信息目穿長
路倚樓臺琅玕繡段安何得流水浮雲共不迴

海城秋夕寄懷舍弟

烏栖庭樹夜悠悠枕上誰知淚暗流千里夢魂迷
舊業一城砧杵搗殘秋牕間寂寂燈猶在簾外蕭
蕭雨未休早晚萊衣同看去免悲流落在邊州

思簡寂觀舊遊寄重道者

閒憶當年遊物外羽人曾許駐仙鄉溪頭秋葉煙霞暖花下圓碁日月長偷摘蟠桃思覺情化成蝴蝶學蒙莊俗緣未斷歸浮世空望林泉意欲狂

寄廬山簡寂觀重道者

憶昔採芝廬岳頂清宮常接絳霄人玉書閒展石樓曉瑤瑟醉彈琪樹春惟恨仙桃遲結實不憂滄海易成塵似醒一夢歸凡世空向彤霞寄夢頻

再遊洞神宮懷邵羽人有感

重向煙蘿省舊遊因尋遺跡想浮丘峯頭鶴去三清遠壇畔月明千古秋泉落小池清復咽雲從高

唐音統籤

卷七百八十三

四

戊

嶠起還收自慙未得冲虛術白髮無情漸滿頭

送郎員外赴關

心似白雲歸帝鄉暫停良晝別龔黃煙波乍曉浮蘭棹魂夢先飛近御香一路伴吟汀草綠幾程清思水風涼想應敷對忠言後不放卿雲離太陽

送致仕沈彬郎中遊茅山

掛却朝冠披鶴氅羽人相伴恣遨遊忽因風月思茅嶺便挈琴樽上葉舟野寺宿時魂夢令海門吟處水雲秋華陽洞府年光未莫向仙鄉擬駐留

送胸山孫明府赴壽陽幕府辟命

堪美元戎虛右席便承綸綍起金臺菊叢憔悴陶潛去蓮幕光輝阮瑀來好向樽罍陳妙畫定應青檄播雄才預愁別後相思處月入閒牕遠夢迴

送相里秀才之匡山國子監

氣秀情閒杳莫群廬山遊去志求文已能探虎窟騷雅又欲囊螢就典墳目豁乍窺千里浪夢寒初宿五峯雲業成早赴春闈約要使嘉名海內聞

送姚端秀才遊毘陵

毘陵嘉景太湖邊才子經遊稱少年風弄青帘沽酒市月明紅袖採蓮船若邪菰葦應相似若邪溪名在毘陵

唐音統籤

卷七百八十三

五

戊

越岫吳峯盡接連此去高吟須早返廣寒丹桂莫遷延

送夏侯秀才

江村搖落暮蟬鳴執手臨岐動別情古岸相看殘照在片帆難駐好風生牽吟一路逢山色醒睡長汀對月明況是清朝至公在預知喬木定遷鶯

送圓上人歸廬山

蓮宮舊隱塵埃外策杖臨風拂袖還踏雪獨尋青嶂下聽猿重入白雲間蕭騷紅樹當門老斑駁蒼苔鎖徑閒預想松軒夜禪處虎溪圓月照空山

送盧阜僧歸山陽

山陽舊社終經夢容易言歸不可留瓶貯瀑泉離
五老錫搖江雨上孤舟魚行細浪分沙背鴈逆高
風下葦洲遙想枚臯宅邊寺不知涼月共誰遊

代別

明日鳴鞭天一涯悠悠此夕怯分離紅樓有恨金
波轉翠黛無言玉筋垂浮蟻不能迷遠意迴紋從
此寄相思花時定是慵開鑑獨向春風忍掃眉

哭故主人陳太師

十年孤跡寄侯門入室升堂泰厚恩遊遍春郊隨
唐音統鑑

卷七百八十三

六

戊

苦節飲殘秋月待金樽車魚鄭重知難報吐握周
旋不可論長慟徘徊逝川止白楊蕭颯又黃昏

哭柴郎中

昔歲遭逢在海城曾容孤跡奉雙旌酒邊不厭笙
歌盛花下只愁風雨生棋接山亭松影晚吟陪月
檻露華清音塵自此無因問淚灑川波夕照明

悼懷王喪妃

花綻花開事可驚暫來浮世逐蓬瀛楚宮夢斷雲
空在洛浦神歸月自明香解返魂成浪語膠能續
斷是虛名音容寂寞春牢落誰會樓中獨立情

石棋局獻時宰

得從岳叟誠堪重却獻臯夔事更宜公退啓仲書
院靜日斜收子竹陰移適情豈待樵柯爛罷局還
應展齒墮預想幽牕風雨夜一燈開照覆圖時

題吉水縣廳前新栽小松

斷開幽澗蘚苔斑移得孤根植砌前影小未遮官
舍月翠濃猶帶舊山煙羣花解笑香寧久衆木雖
高節不堅輸我婆娑欄檻內晚風蕭颯學幽泉

竹

森森移得自山莊植向空庭野興長便有好風來

唐音統鑑

卷七百八十三

七

戊

枕簟更無閒夢到瀟湘塵來砌蘚經疎雨引下溪
禽帶夕陽閒約羽人同賞處安排棋局就清涼

桃花

祇應紅杏是知音灼灼偏宜間竹陰幾樹半開金
谷曉一谿齊綻武陵深艷舒百葉時皆重子熟千
年事莫尋誰步宋牆明月下好香和影上衣襟

柴司徒牡丹

暮春欄檻有佳期公子開顏乍拆時翠幄密籠鶯
未識好香難掩蝶先知願陪妓女爭調樂欲賞賓
朋預課詩只恐却隨雲雨去隔年還是動相思

鶴

九臯羽翼下晴空萬里心難駐玉籠清露滴時細
蘇徑白雲開處喚松風歸當華表千年後恐在瑤
琴別操中好共靈龜作儔侶十洲三島逐仙翁

七言排律

海上太守新翔東亭

使君心智合離同選勝開亭景真窮高敞軒牕迎
海月傾栽花木待春風靜披典籍堪師古醉擁笙
歌不礙公滿徑苔紋疎雨後入唐山色夕陽中偏
宜下榻延徐孺最稱登門禮孔融事簡宜妨類實
唐音統籤卷七百八十三 八 戊

散況當為政有餘功

五言絕句

遊茅山二首

綠蘿深迎步紅霞爛滿衣洞天應不遠鸞鶴向人
飛

茅許仙蹤在煙霞一境清夷希何許叩松逕月空
明

再到山陽尋故人不遇二首

維舟登野岸因訪故人居亂後知何處荆榛匝弊
廬

欲問當年事耕人都不知空餘堤上柳依舊自垂
絲

感事呈所知

競愛松筠翠皆憐桃李芳如求濟世廣桑柘願商
量

貽青陽宰

微賦常登限名山管最多吏閒民訟少特得訪煙
蘿

劍客

恩營期必報豈是輒輕生神劍冲霄去誰為平不
唐音統籤卷七百八十三 九 戊

平

早春

一種和風至千花未放妍草心并柳眼長是被恩
先

春雲

陰去為膏澤晴來媚曉空無心亦無滯舒卷在東
風

梅花

群木方憎雪開花長在先流鶯與舞蝶不見許因
綠

途中柳

翠色晴來近長亭路去遙無人折煙縷落日拂溪橋

柳絮

年年二月暮散亂雜飛花雨過微風起狂飄千萬家

隔牆花

顏色尤難近馨香不易通朱門金鎖隔空使怨春風

鶴

唐音統編 卷七百八十三 十 戊

警露精神異冲天羽翼新千年一歸日誰識令威身

六言絕句

客中春思

又聽黃鳥綿蠻目斷家鄉未還春水引將客夢悠悠繞偏關山

鶯

羽毛特異諸禽出谷堪聽好音薄暮欲棲何處雨昏楊柳深深

燕

梁家五色泥香街得營巢太忙喧覺佳人畫夢雙雙猶在雕梁

唐音統編 卷七百八十三

十一

朱終

戊籤餘三十四李中之六 唐音統籤卷十四

七言絕句

宮詞二首

門鎖簾垂月影斜
翠華咫尺隔天涯
香鋪羅幌不成夢
背壁銀缸落盡花

金波寒透水精簾
燒盡沉檀手自添
風遞笙歌門已掩
翠華何處夜厭厭

春閨辭二首

塵昏菱鑑懶修容
雙臉桃花落盡紅
玉塞夢歸殘燭在
曉鶯聽外喚梧桐

唐音統籤卷七百八十四

戊

邊無音信暗消魂
茜袖香裙積淚痕
海嶽歸來門半掩
悠悠花落又黃昏

採蓮女

晚涼含笑上蘭舟
波底紅粧影欲浮
陌上少年休插足
荷香深處不回頭

感興

漁休渭水興周日
龍起南陽相蜀時
不遇文王與先主
經天才業擬何爲

春日書懷

千峯雪盡鳥聲春
日永孤吟野水濱
霄漢路岐昇

未得花時空拂滿衣塵

鍾陵春思

沉沉樓影月當年
冉冉風香花正開
芳草迢迢滿南陌
王孫何處不歸來

春晚

殘燭猶存月尚明
幾家幃幌夢魂驚
星河漸沒行人動
歷歷林梢百舌聲

春夕偶作

早是春愁觸月生
那堪春夕酒初醒
貫珠聲罷人歸去
半落桃花月在庭

唐音統籤卷七百八十四

二

戊

秋夕書懷

功名未立誠非晚
骨肉分飛又入秋
松上不堪殘夢斷
壁蛩聽月夜悠悠

感秋書事

官途憔悴雪生頭
家計相牽未得休
紅蓼白蘋消息斷
舊溪煙月負漁舟

七夕

星河耿耿正新秋
絲竹千家列綵樓
可惜穿針方有興
纖纖初月苦難留

夕陽

影未沉山水面紅遙天雨過促征鴻魂銷舉子不
回首閒照槐花驛路中

捧宣頭許歸侍養

泥書捧處聖恩新許覲庭闈養二親螻蟻至微寧
足數未知何處答穹旻

村行

極目青青隴麥齊野塘波濶下鳬鷺陽鳥景暖林
桑密獨立閒聽戴勝啼

溪邊吟

鷓鴣雙飛下碧流蓼花蒨蒨正含秋茜裙二八採
唐音統籤 卷七百八十四 三 戊

蓮去笑衝微雨上蘭舟

憶溪居

竹軒臨水靜無塵別後鳬鷺入夢頻杜若菰蒲煙
兩歇一溪春色屬何人

酒醒

睡覺花陰芳草軟不知明月出墻東杯盤狼籍人
何處聚散空驚似夢中

所思

解佩當明在洛濱悠悠疑是夢中身自從物外無
消息花謝鶯啼近十春

敘吟二首

往哲搜羅妙入神隋珠和璧未爲珍而今所得慙
難繼謬向平生著苦辛

成僻成魔二雅中每逢知已是亨通言之無皐終
難厭欲把風騷繼古風

春日招宋維先輩

甕中竹葉今朝熟鑑裏桃花昨日開爲報廣寒攀
桂客莫辭相訪共銜杯

訪廬山歸章禪伯

沉沉石室疎鐘後寂寂莎池片月明多少學徒求
唐音統籤 卷七百八十四 四 戊

妙法要於言下悟無生

訪章禪老

比尋禪客叩禪機澄却心如月在池松下偶然醒
一夢却成無語問吾師

訪洞神宮仰道者不遇

閒來仙觀問希夷雲滿星壇水滿池羽客不知何
處去洞前花落立多時 雲滿一作雲附

登下蔡縣樓

長涯煙水又含秋吏散時時獨上樓信斷蘭臺鄉
國遠依稀王粲在荊州

宿草校書幽居

溪上高眠與鶴閒
樽前我待柴關
園林月白秋
霖歇一夜泉聲似故山

書夏秀才幽居壁

永巷苔深戶半開
牀頭書劍積塵埃
最憐小檻疎
簾晚幽鳥雙雙何處來

夏日書依上人壁

門外塵飛暑氣濃
院中蕭索似山中
最憐衰茗相
留處疎竹常軒一榻風

廬山栖隱洞譚先生院留題

唐音統籤

卷七百八十四

五

戊

壇畔歸雲冷溼襟
拂苔移石坐花陰
偶然醒得莊
周夢始覺玄門興味深

離家

送別人歸春日斜
獨鞭羸馬指天涯
月生江上鄉
心動投宿忽忙近酒家

途中作

逢舊識聞老親
所患不至加甚

煙波涉歷指家林
欲到家林懼却深
得信慈親病
瘳減當時寬勉採蘭心

秋日途中

信步騰騰野岸遶
離家都爲利名牽
疎林一路斜

陽裏颯颯西風滿耳蟬

夜泊江渚

水鄉明月上晴空
汀島香生杜若風
不是當年獨
醒客且沽村酒待漁翁

泊秋浦

葦岸風高宿鴈驚
維舟特地起鄉情
漁兒隔水吹
橫笛半夜空江月正明

江行值暴雨

風狂雨暗舟人懼
自委神明志不邪
投得葦灣波
浪息岸頭煙火近人家

唐音統籤

卷七百八十四

六

戊

旅次聞砧

砧杵誰家夜搗衣
金風淅淅露微微
月中獨坐不
成寐舊業經年未得歸

和潯陽宰感舊絕句五首

追感古今情不已
竹軒閒取史書看
欲親往哲無
因見空樹臨風襟袖寒

潯陽物景真難及
練瀉澄江最好看
曾上虛樓吟
倚檻五峯擎雪照人寒

園林春媚千花發
爛熳如將畫障看
惟愛松筠多
冷淡青青偏稱雪霜寒